



- EDITORIAL • RÂL VÊNGTU
- » SEC VAWI 296-NA TLUANG TAKA ZAWH A NI
- » SYNOD PUIPATE LEH GOVERNOR INKAWM
- » SYNOD OFFICE KAL PANGNGAIIN A KAL TA

RNI 68092/83

From
Synod Literature & Publication Board
Synod Office, Aizawl - 796 001
Mizoram. Phone: 0389-2324590

SYNOD *Newsletter*

Volume XXXVII

No. 3

E-mail: synodnews@gmail.com

MARCH 2022

LÂWRKHAWM

SYNOD OFFICE KAL PANGNGAIIN A KAL TA

Mizoram sawrkârin ni 18.2.2022-a Covid-19 inkaihhraina a siamah Kohhran office-a thawkte chu zavaia office kal a phal tâk avângin ni 21.2.2022 (Thawhtanni) atang khân Synod Office-a thawkte chu inkal chhâwk tawh lovin zavaia kal tan a ni ta. Inkaihhraina tharah hian Aizâwla zan 698 a zâwna curfew chu tihtâwp a ni bawk.

BOARD/COMMITTEE THU ZÊL TAWH DAWN

Mizoram sawrkârin ni 18.2.2022-a Covid-19 inkaihhraina a siam thar zûlzuiin, Synod OM chuan Synod hnuiaia Committee leh Board hrang hrangte chu Synod Calendar anga thut zêl tawh tûrin a rêl.

BLOOD DONATION CAMP

Ni 14.2.2022 (Thawhtanni) khan Synod Hospital, Durtlâng bultumin Valentine's Day Blood Donation Camp buatsaih a ni a, mi 148-in thisen an pe.

MISSIONARY RETREAT NEI DAWN LO

Ramthar Board Executive Committee (BEC) 643:3 chuan ram pumah hripui a hluar leh tâk avângin kumin 2022-ah hian Missionary Retreat neih loh tûrin a rêl (Kum 2020 leh 2021-ah pawh Missionary Retreat hi hripui lêng vâng bawkin neih loh a lo ni tawh).

LEI TUR AWM LEH TA

Kum tîra khaihlak, Puitling Sunday School zirlaibu (₹110 man) leh Nilai leh Beihruar thupui bu (₹140 man) chu Synod Bookroom-ah lei tûr a awm leh ta.

SYNOD EXECUTIVE COMMITTEE VAWI 296-NA TLUANG TAKA ZAWH A NI

Mizoram Presbyterian Kohhran Synod hnuiaia Committee sâng ber, Synod Executive Committee (SEC) wawi 296-na chu Synod Office, Aizâwla J.M. Lloyd Hall-ah February ni 22-24, 2022 chhûng khân tluang takin a thû a, member 131 an kal. Committee hi Rev. Dr. Vânlalngâka Râlte, Synod Moderator-in a kaihrui a, Synod Secretary Report leh Finance Report ngaihthlâk a ni bawk.

Rev. Z.D. Lalhmachhuana, Synod Secretary chuan committee thut hnuhnun ber leh tûn inkâra thil thleng larsâr zual a report a. Kum 2021 Synod Inkhâwmpui wawi 98-na neih a nih thu te; January ni 8, 2022-ah Bial thar 3 hawn a nih thu te; January ni 9, 2022-ah Pastor leh Pro. Pastor Induction tluang taka neih a nih thu te; Synod Service Board-in Contract Missionary 50 a lâk thar thu te; January ni 27, 2022-ah Baptist Church of Mizoram (BCM) hotute leh OM member-te, Kohhran Inpumkhatna thu sawia Synod Officers' Room-a an inkawm thu te; February ni 1-4, 2022 chhûngin Synod Conference Centre-ah Pro. Pastor Orientation neih a nih thu te; Synod Hospital-a khualbûk, mipa 16 leh hmeichhia 14 riahna awm chu hman theiha peih fel a nih thu te; USA-a tlâwmngai pâwl pakhat, Programme for Appropriate Technology in Health (PATH) India hnên atanga dawn, oxygen siamna khâwl, Pressure Swing Absorbtion (PSA), chêng nuai 130 man chu hman theiha peih fel a nih thu te; Mission Development Training Centre (MDTC), Bualpui North-ah February ni 9, 2022-ah Veterinary Clinic building thar hawn a nih thu te; Revocation Certificate



Upa Dr Tawnênga

(RC) mi 66 hnênah leh Re-marriage Licence (RL) mi 92 hnênah pêk a nih thu te chu report langsar zual a ni.

SEC wawi 296-na hian Mizoram Christian College

Principal (2022-2024) atân Upa Dr Tawnênga, Mission Vêng, Aizâwl chu a thlang a; Central KTP Leader (2022-2024) atân Rev. Dr F. Pachhûnga, Luangmual Bial vawngtu leh General Secretary atân Upa Rochungnunga, Synod Office a thlang bawk a; tin, Myanmar ram buai avânga Mizorama râltlânté Synod hmingin chêng nuai 20-a tanpui a remti bawk.



Rev. Dr F. Pachhûnga



Upa Rochungnunga

SYNOD PUIPATE LEH GOVERNOR INKAWM



February ni 21, 2022 (Thawhtanni) khân Mizoram Synod puiplate leh Mizoram Governor Pu Hari Babu Kambhampati-ate chu Raj Bhavan-ah an inkawm a, mipuite tâna hmalâkna tangkai tûr leh tûnlai Mizoram chhûnga thil thleng pawimawhte an sawi ho. Governor chuan Mizoram chhûnga Kohhran leh tlâwmngai pâwl hrang

Phek 2-naah zawm a ni

SYNOD Newsletter

EDITORIAL STAFF

Rev. Lalbiaknia
Rev. V.L. Luaia Hranleh
Upa K. Lalnginglova
Zohmingliana Colney

Editorial

INZIR THAR A TUL

Covid-19 hripui lêng vângin March 2020 ațangin Kohhran Pathian biak inkhawm kan nei thei lo rei hle a; inkhâwm theih chhun rei lo tê kan neihah pawh Biak Ina lêng zatve inkhawmin, hmai tuam leh zai thei lovin thuhrii ngaihlâk a ni deuh mai a. Tin, zân lam inkhâwm theih loh chhûng a rei a, chhûn lamah Pathiannah wavi khat chauh kan inkhâwm thîn bawk.

Hri lêng la kiang vek lo mah se, February 2022 thla tâwp lam ațangin kan zalên tan ta a; chhûn leh zân inkhâwm theih a ni ta a, a lâwmawm hle. Kan inkhâwm hleih theih loh chhûng a rei a, chu chuan mipuiah nghawng a nei thui viauvin a hriat bawk. Kohhran inkhâwm bul kan tan thar leh a ni ber a, inzir thar leh pawh a tûl âwm e.

Hri lêng hmaa kan inkhâwm hun bi pangngai kha hmang leh ila. Inkhâwm chanvo neitu – thuhriitu, thupui hawngtu leh tawngtai thupui thawhtuten hun hman thiam kan zir a tûl ang. Inkhâwm ninawm lo tûra tan kan lâka kan inzir deuh pawh a ngai âwm e.

Kohhran mipui nâwlpuih inkhâwm châkna a tlahniam hman viauvin a hriat a, chumi chhawm chhuak tûra tan kan lâk hi a tûl viau dâwn a ni. Muang fân taka tawng leh thusawi te, hun hman rei leh nawizêl taka inkhâwm hruai te pawh awm lo tûra tan lâk a tha ang.

Inzir thar zêl hi a tûl a, rawngbâwtuten Kohhran mipui thlarau nun dâwm kâng tûrin, tawngtaina nêi i inzir thar zêl ang u.

Phêk 1-na zawmna...

hrangten mipui vântlâng hmasâwnna atâna sawrkâr tha taka an thawhpui thîn te, state hmasâwnna atân mahni insêngsova an luang chhuak thîn te chu state danga NGO leh sakhaw dang vuantute tân pawha entawn tlâk leh chhuanawm a ni tih a sawi a. Hripui lêng avânga harsatna a thlen lai te, buaina lian tham a thlen châng te, sakhaw hrang hrang betute inkârah inunauna a awm theih nân leh mi harsate tanpui kawngah Kohhranten theitâwp an chhuah thîn chu ropui a tih thu sawiin, sawrkâr an thlâwpnaah lâwm thu a sawi bawk.

Synod puipate chuan Mizoram sawrkâr leh Kohhrante chu eng lai pawha Mizoram hmasâwnna tûra lungual taka thawk ho thîn an ni tih Governor hi an hriih a. Mizoramah remna leh muanna a awm theih nân te, zirna tihhmasâwn nân te, inthlanna thianglim a awm theih nân te, mipui vântlâng tâna luan chhuahna kawngah leh sawrkâr thlâwp a ngaihna laiah te kohhranten theitâwp an chhuah zêl tih an hriih bawk.

SYNOD HOSPITAL-AH OXYGEN PLANT HAWNG

February ni 21, 2022 (Thawhtanni) chawhnu dâr 3 khân Health Minister Dr R. Lalhangliana'n Synod Hospital Campus, Durtlângah Pressure Swing Absorption (PSA) Oxygen Plant khâwl thar a hawng. He hun hi Dr Lalthakima, Synod Hospital Director-in a kaihrui a; Rev. Dr Vânlalngâka Râlte, Synod Moderator-in khâwl thar hi Pathian hnênah a hlân. Pu Nitesh Gangware, Operation Manager, Program for Appropriate Technology in Health (PATH)-in technical report a pe a; Dr John Malsâwma, Medical Superintendent-in lâwm thu a sawi. Hemi hunah hian Health Minister hian Synod Hospital tân oxygen concentrator pahni a pe bawk.

Oxygen Plant hi Program for Appropriate Technology in Health (PATH), Seattle, USA leh GiveIndia-ten an pêk a ni a, Oxygen Plant atâna sênsô zawng zawng hi Google Company-in a tum thung a ni.



Synod Moderator-in Pathian hnênah khâwl thar a hlân

KOHRAN HMEICHHE RORÊL INKHÂWM HUN SAWN : Mizoram Presbyterian Kohhran Hmeichhe Rorêl Inkhâwm wavi 11-na chu March ni 11–13, 2022-a Mission Vêng Kohhran Biak Ina neih tûra ruahman a ni a. Amaherawhchu, Central Kohhran Hmeichhe Committee chuan kan rama hripui (Covid-19) lêng dinhmun enin Synod Officers' Meeting (OM) remtihnain, "Kum 2022 Kohhran Hmeichhe Rorêl Inkhâwm chu ni khat chauh hman ni se, a hun atân May ni 26, 2022 (Ningani) ni se," tiin a rêl a. Hei hi an huam chhûnga Bial hrang hrang leh Kohhrante an hriattîr a ni.

WORLD HEARING DAY 2022 DENCHHENIN ENT & EYE FREE CLINIC : March ni 3, 2022 (Ningani) khân Synod Hospital, Durtlâng chuan World Hearing Day 2022 denchhenin Dr Fraser's

Clinic leh Mission Vêng Kohhran Centenary Hall-ah beng, hnâr, hrawk leh mit (ENT & Eye) lama harsatna hrang hrang neite tân CBM India nêi tan kawpin Free Clinic a buatsaih.

Free Clinic tan hma hian Pathian hnênah inhlanna leh free clinic buatsaih a nih dân te sawiin hun hman a ni a. Inentîrna chhuzawm ngâlin, Dr. Samuel Lalhruiatluanga, ENT; Dr. Lalramêngmawii, Ophthalmologist leh Synod Hospital-a thawktuten damlote hi an en a ni. He free clinic hi mipuiin an hlut hle.

OPERATION NEHEMIA : February 19&20 leh 26&27, 2022 khân Operation Nehemia beihpui thlâkin, Revival Speaker-te group hrang hrangah inthenin Aizawl leh a dai vêlah rawngbâwlin an feh chhuak.

Râl Vêngtu

Râl Vêngtu chuan a râl vên bûk kianga mipui lo kalte chu, "Covid hri ni lo, hri dang lêng mêk hi do rawh u," tiin a lo au va.

Mipuite chuan, "Râl Vêngtu, hri dang a lêng pawh kan hre hlei nê. Hri dang lêng vânga damdawi ina enkawl pawh tu mah an awm hlei nê," tiin an chhâng a. Râl Vêngtu chuan, "Hri tha lovin a rûn mêk che u a, in then fai loh chuan in chhe rup dâwn. Hmuh theih a nih loh avângin a ei chhiat fe hunah che u chuan khawpui hi hremhmunah a chang a ni mai," a ti a.

Mipuite chuan, "Chuti taka min tichhe thei chu eng hri nge ni?" tiin an zâwt a. Râl Vêngtu chuan, "Lo ngaithla chiang rawh u. Tûna hri dang lêng mêk chu : **Thatchiatna hri** – Pathian biak inkhâwm peih lohna hri te, nih tûr ni peih lo leh tih tûr pehhêl thiamna te; **Chhuanlam hri** – Covid hri lêng chhuanlama covid hri hlau tawh si lo, a dera hlau, rawngbâwlina tur chawhlsan leh tih tûr thulh phah nâna hman te, inkhâwm theih tawh pawha inkhâwm lohna chhuanlam hriat theih riauna te; **Hlâwk duh luatna hri** – kut tling lova sum lâk luh pawh tih lohna hri, rinawmna leh dikna nun ngaihthah tlatna te; **Inthiam chawpna hri** – 'Mi pawhin an ti ve tho' tia thil dik lo pawmzamna te, 'Kum a vei chuan tu mân an hre reng lo vang' tia thil tha lo tih ngampatna hriten a luhkhung che u a ni. Heng thil hi in then fai loh chuan Covid hri lêng aiin in tuar nasa hle dâwn a ni," a ti a.

Mipuite chuan, "Heng hri tha lote hian min lo luhkhung reng a ni maw! Kan then fai ngâl a tûl a nih chu," tiin, hri do tûrin an tîin darh ta a.

COVID-19 KAI ZÂT : Ni 16.2.2022 (Nilaini) thlengin Synod Mission Board hnuai missionary leh an chhûngte mi 720 (Mipa 338 leh hmeichhia 382)-in Covid-19 an kai tawh a, mi 682 an dam tawh a, enkawl lai 35 an awm a, mi 3-in an thihpui tawh baw. Covid-19 avanga damlote an lo dam zêl theih nân Kohhranhoten i tawngtaipui zel ang u.

SYNOD HOSPITAL, DURTLÂNG THILPÊK DAWNTE (January, 2022)

I. CHARITY FUND

- | | |
|---|--------------|
| 1. Michael Lalramsânga, Chanmari West, Aizâwl | ₹ 2,000/- |
| 2. Jonathan Lalhmangaihzuale leh a thiante, Zârkawt | ₹ 15,000/- |
| 3. Mualpui Bethel Kohhran, Aizâwl | ₹ 16,100/- |
| 4. MD&D, Khatla | ₹ 15,000/- |
| 5. Pi Lalremi m/o R.C Lalrêngpuii, Zemabâwk North | ₹ 2,500/- |
| 6. Champhai Kahrawt Kohhran | ₹ 32,600/- |
| 7. Pu Sângkûnga Ngênte, Bûngkâwn High School Vêng, Aizâwl | ₹ 1,500/- |
| 8. H. Lalthazuali, Sister, Synod Hospital | ₹ 2,500/- |
| 9. Synod Hospital Staff, Advance Christmas puala an thawh khâwm | ₹ 1,87,110/- |
| 10. Pu H. Lalziriana te chhûngkua, Upper Republic | ₹ 10,000/- |
| 11. KṚP, Zuangtui Bial, Aizâwl | ₹ 15,000/- |
| 12. Model Vêng Kohhran, Aizâwl | ₹ 27,032/- |
| 13. Pu Zodinliana, Mission Vêng | ₹ 1,500/- |

II. GRACE HOME TANA PETE

- | | |
|--|------------|
| 1. Thingdawl Bial Kohhran Hmeichhia | ₹ 5,000/- |
| 2. Dr. Vânlalini, Bûngkâwn, Aizâwl | ₹ 12,000/- |
| 3. Programme Staff Welfare Committee, Doordarshan Kendra, Aizâwl | ₹ 20,000/- |

III. THISEN PETUTE

- | | | |
|-----------------------------------|----------|----|
| 1. KṚP, Saikhamakâwn Branch | UNIT ZAT | 24 |
| 2. PYD, Durtlâng Bial | | 27 |
| 3. KṚP, Electric Vêng Pastor Bial | | 48 |
| 4. KṚP, Mission Vêngthlang Branch | | 44 |

IV. THIL DANG PETUTE

- Durtlâng Kohhran Hmeichhia – Damlo chawhmeh lei nan ₹20,000/-
- KṚP, Tuipuibari Bial – Thutthlêngsei (Bench) pariat
- David Vânlalvêna, Mission Vêng – K. Ward fencing atân ₹10,000/-
- Hming thup – K. Ward Fencing atân ₹5,000/-
- KṚP, Bâktâwng Bial – Thutthlêngsei ngenchhan nei 2
- KṚP, Luangmual Branch, Aizawl – Thawktu leh damlo tân Krismas thilpêk thahnem tak.
- David Rothangliana, Republic Vêng, Aizâwl – K. Ward fencing atân ₹50,000/-

V. PAWISA DAWN ZAWNG ZAWNG – ₹4,49,842/-

Sd/-
(REV. R. RAMDINMAWIA)
Chaplain
Synod Hospital, Durtlâng

MSSU DAY : Ni 20.2.2022 (Pathianni) kha MSSU Day vawi 124-na a ni a. Kohhran tirha Mizorama missionary lo kal hmasa ber, Rev. D.E. Jones (Zosaphluia), August ni 31, 1897-a lo thleng khân a pian champhaphâk vawi 28-na, February ni 15, 1898 (Thawhlehi)-a hawn tûrin Hrianghmun mual, tûna Synod Press leh Bookroom inkâr (Zosaphluia Building dinna)-ah râp inin sikul a sa a. Chu sikulah chuan ni 20.2.1898-ah Sunday School a neihpui a. Hei hi Synod 2003:16 chuan Mizorama Sunday School din tãn niah a pawm a ni.

Synod Inkhâwmpui 2021 report-a a lan dânin, MSSU hnuai thawktu 5, zirtirtu 43,968 leh zirlai 3,44,177 an awm. Covid-19 hripui lêng avângin kum 2021 khân Bial Sunday School Inchhiarna Report a lut kim thei lo va. Report lût Bial 137 a tang leh kum hlui report khai khâwma report hi siam a ni.

KṚP-IN TãNPUI : KṚP Rorêl Inkhâwmin a lo rêl tawh, KṚP member-ten Synod Hospital-a damlo harsate tãnpui nân thawhlâwm an

thawh, 'Hospital Charity Pual' ₹6,67,131/- chu ni 23.2.2022 (Nilaini) khân CKṚP Leader leh CKṚP Committee Member-ten Synod Hospital Director hnênah an hlân a; Grace Home Cook 2 tâna hlauh an tumsak t̄hin an pe baw.

SYNOD CHHAWMDAWLNA : Tûn hnaiah harsatna tâwk chhûngkaw t̄henkhat hnênah Synod Relief Fund a tangin hetiang hian chhawmdâwlina pêk a ni: Tlângnuam West khuua khawsak harsa chhûngkaw 1 hnênah ₹5,000, Palsâng khuua damlo chhûngkaw 1 hnênah ₹8,000, Phûllên Vêng-thara damlo chhûngkaw 1 hnênah ₹8,000, Hunthar Vêng, Aizâwla vânduaina tâwk chhûngkaw 5 hnênah ₹32,000, Chhingchhîp Vênghluna damlo chhûngkaw 2 hnênah ₹16,000, Airfield Vêng, Tuiriala khawsak harsa chhûngkaw 2 hnênah ₹16,000, Kananthara in kâng chhûngkaw 3 hnênah ₹26,000, Cherhlun khuua tuilian tuar chhûngkaw 1 hnênah ₹8,000, Dârlâk khuua damlo chhûngkaw 1 hnênah ₹8,000, Mamit Lungsîr Vênga kângmei tuar chhûngkaw 7 hnênah ₹40,000.

HNA RUAK DIL THEIH : Mizoram Presbyterian Kohhran, Campus Ministry hnuai thawktu tûrin Counsellor 1, contract-a thawktu tûr lâk a ni dân a, kum 18-35 inkâr, ni 18.3.2022-a kum 18 tling, kum 35 la pumhlûm lo, zûk leh hmuama fihlîm, Presbyterian Kohhran mi tân, ni 14.3.2022 dâr 2pm thleng dîl theih a ni. Hna dîlna form chu 16.2.2022 a tangin office kal ni apiangin dâr 10am-2pm chhûngin Synod Office (Aizâwl leh Lunglei)-ah lâk chhuah theih a ni ang. Dîlna hi Synod Office, Aizâwlah theh luh tûr a ni a. Application form man ₹20/- a ni. Hna dîlna form-ah hriat tûr pawimawh tihlan a ni. Graduate of any recognised University and B.Miss./BD and above recognised by the Senate of Serampore/Synod (Preferably experienced in Counselling) thiamna neih a ngai a, Synod hnuai contract Counsellor hlauh zât an hlauh ang.

– Secretary, Synod Service Board, Synod Office, Aizâwl



RIAHCHILH COUNSELLING TRAINING BUATSAIH A NI

Kohhran hruaitute puala Riahchilh Counselling Training vawi 33-na chu Synod Conference Centre, Mission Vêng, Aizâwlah buatsaih a ni. He training hi 24.2.2022 zân dâr 6 khân Pi Zaii Hall-ah Rev. V.L. Luaia Hranleh, Executive Secretary i/c FG&CC-in Pathian hnêna hlânin a hawng a, thuchah a sawi ngâl bawk.

He training-ah hian Aizâwl khawpui chhûnga Presbytery 9 aţanga hêng Bial 9 – Leitan, Zemabâwk, Châltlâng, Hunthar, Chawlhmun, Bethlehem Vênglai, Lunglêng-I, Nursery Vêng leh Electric Vêng Bialte aţang hian mi 21 (Mipa 20 leh nula 1) an tel. Resource Person-te chu – Rev. Dr R. Vânlaltluanga, Rev. Lalsângbera, Rev. Lalrinmawia, Rev. K.M. Vânlalpêka leh Dr Robert L. Khawhling-te an ni.

Training hi March ni 7, 2022 khân tluang taka zawh a ni.

LUAN CHHUAHNA

Republic Vêng Kohhran, Aizâwl chuan Synod hmalâkna bawhzuiin thingtlânga kohhran tê deuh leh khawhar deuh-te an tlawh thîn a, an tlawh kohhrante hi ngaihhrui nan ₹50,000 zêl an pe thîn. Hêng kohhrante hi an tlawh tawh – Chawlung, Bâwngthah, Tualbung, Berawlui, Lungsaï, Lêngte. Tin, kum 2019 aţangin an kohhran chhûnga nau nei tharte hnênah ₹3,000 an pe thîn bawk.

BIAK IN THAR HAWNG

Jharkhand Mission Field-ah tân hnaiah Field Secretary-in Biak In thar pahnih a hawng a. Ni 17.2.2022 (Ningani) khân Siristola Biak In, 30'x18'-a zau a hawng a. Biak In sakna tûr hian Chanmari Kohhran, Aizâwlin ₹2,50,000 an thawh. Ni 19.2.2022 (Inrinni) khân Lakrapahari Biak In hawn a ni bawk a. He Biak In hi Upa Hmingthanga, Electric Vêng, Aizâwlin ₹2,50,000 sênga a saksak a ni a, 40'x18'-a zau a ni.

NGENNA

Covid-19 hripui lêng avângin nikum lam aţangin Kristian Tlangau, Kristian Naupang leh Synod Newsletter la mumal lo kohhran kan awm nual a. Hêng Kohhrante hi a rang lama rawn la tûrin kan ngên e. – Editor

MISSIONARY TIRH CHHUAH INKHAWM HMAN A NI

Synod Mission Board hnuai kum 2022 chhûnga thawk tûr missionary 50 lâk tharte tirh chhuahna hun chu March ni 1, 2022 (Thawhlehi) chawhma dâr 11 khân Missionary Training College (MTC) Chapel, Mission Vêngthlang, Aizâwlah hman a ni a. He hun hi Rev. R. Lalhmingsânga, Secretary, SMB-in kaihruaiin, Upa Lalbiakênga Fânai, Co-ordinator, SMB-in tirh chhuahte chanchin a sawi a; Rev. Dr Vânlalngâka Râlte, Synod Moderator-in missionary-te hi tîr chhuakin thuchah a sawi bawk. Tirh chhuahte aiawhin Lalhruaitluanga'n thu tawi a sawi a; Pi Vânlalthâwmi, Dean of Training, MTC-in training report a pe a; Rev. C. Chawngliana, Ramthar BEC member-in tawngţaisakna hun a hmang. He hunah hian Ramthar Board Executive Committee (BEC) member-te, MTC Faculty member-te leh SMB Headquarters-a thawktute an tel a ni. Missionary tirh chhuahna hun hi Kohhran Biak Inah hman thîn a ni a; nikum leh kuminah erawh chuan hripui lêng vângin an training-na hmunah hman a ni.

Missionary lâk tharte hian February ni 1, 2022 (Thawhlehi)-ah MTC-ah Residential Orientation/Training (A hmuna riahchilh) tûrin an lût khâwm a, a tûkah social work hmanga bul tandin, hemi zân aţang hian training hi tan a ni. Missionary hna atâna tûl leh pawimawh thupui hrang hrang zirtîr an ni a; MTC Faculty, SMB Headquarters-a thawk leh pâwn lam miten an zirtîr a ni.

Missionary lâk tharte mipa 19 leh hmeichhia 31 an ni a. Evangelist 30, Evangelist Teacher 15, Medical 3, Lecturer leh Asst. Professor 1 ve ve an ni. Home Mission North-a thawk tûr mi 8, Home Mission South-a thawk tûr mi 5, Central India-a thawk tûr mi 17 leh North East-a thawk tûr mi 19, Aizâwla awm zui tûr mi 1 (MTC) an ni a; March ni 10, 2022 aia tlai lovah an hna zawm tûra beisei an ni bawk.



VETY CLINIC HAWN A NI

RTB 170:4 of October 22&23, 2020-in Mission Development Training Centre, Bualpui North-ah Veterinary Clinic hawn a remtih anga Clinic tûr building sak chu ni 9.2.2022 (Nilaini) khân Rev. Dr K. Lallâwmzuala, Executive Secretary-in a hawng. He hunah hian Rev. R.



Lalhmingsânga, Secretary, SMB; Upa Lalbiakênga Fânai, Co-ordinator; Pu B. Lalringliana, Mission Promoter; Rev. F. Lalrinnunga leh Rev. C. Sâpkai (BEC member ve ve) bâkah Kolasib DC, Upa Dr. H. Lalhlangliana leh Kolasib District Vety Officer, Upa Dr. Engkûnga-te an rawn tel bawk. Building hi chêng nuai li sênga sak a ni.

